

San Judas

Juda Jesu yequinare ojoa ohoahye

¹Yuhũ Juda Santiago bahũ, Jesucristo cahacjũ musare Jesu yequinare ahri pũre ojoa ohoaja. Musare mari Pacũ Cohãcjũ beseahye. Sa yena tiqiro cahĩne mehna quehnoano ijire mũa. Sa yero Jesucristo yedohore musare “Ñañene yeari”, nino. ²Quehnoa dutiaja musare. Cohãcjũ yedohoro mehna quehnoano ijyia mũa. Sa yegu Cohãcjũre paja ihña dutigũ, musare cahĩ dutigu sini basaja Cohãcjũre yuhũ.

Ni mehoñequina tiquina ye buheyere yahu dũcahye Juda

³Cohãcjũ marine pecapũ wahaborinare tiqiro yuhũoye pehere tutuaro ojoa duami musare, yuhũ cahĩnare. Sa ojoa duepeguta musare yojopũre ni mehoñe buheyere cahme dutieragu musare ojoaja. Sa yena Jesucristo ye buheye pehere tutuaro buheya mũa. Ahri buheye pehe Jesu yequinare Cohãcjũ cũri buheye sa ijiducurota comesaro marieno. ⁴Ihquẽquina masa ñañequina wacũeno mehna mũa cahapũ esari. Mũa mehna ijyie tiquina ohõ saha ni buhemene musare: “Cohãcjũ yequina mũa ijigũ, tiqiro cahĩne musare. Sa yero numia mehna mũa ñano yegũ tiqiro musare ne buhiri dahresi”, ni buhemene tiquina. Sa ye mari pũtorore ihcãquiota ijiriquire Jesucristore “Cohãcjũ macũno ijierare”, ni buhemene tiquina. Ohõ saha ni buheyequinare Cohãcjũ tiqiro buhiri dahreatire yahuahye panopũre. Tiqiro yere tiquina ojoari pũpũ sata ni yahuahye.

⁵Yojopũre musare apeyere wacũgũ ye duaja. Ahrire mũa masiepegũta pari turi ahrire musare wacũgũ ye duaja. Cohãcjũ judio masare Egiptopũ ijyiequinare tiqiro wiori bato tiquina mehna cjẽnare tiquire wacũ tutueyequinare tiqiro wejẽahye.

⁶Sa yena mũa apequina gũhũre wacũña. Apequina angele pehe Cohãcjũ dutiyere ye duerahye. Sa ye tiquinare tiqiro iji duti cũrirore tiquina iji duerahye. Sa ye tiquina ijimedirore duhu cãhye tiquina. Tiquina sa duhugũ ihñano Cohãcjũ nahitianopũ tiquinare peresu yeahye. Sa ye tiquina pihtiatu deco pano come dari mehna dũhteriquina yero saha ijiducuetu. Sa yero pihtiatu deco ijigũ tiquinare buhiri dahrerota Cohãcjũ.

⁷Sata yeahye apequina gũhũ. Tiquina gũhũre wacũña mũa. Tiquina Sodoma wame tiri maca cjẽna, Gomorra wame tiri maca cjẽna ti macari cahapũ ijyie

macari cjēna gūhū numia mehna ñano yeahye. Sa ye sijoro saha yeye gūhūre ye, ʌmʌa pehe tiquina basita tiquina paguri mehna ñano yeahye. Numia gūhū sata yeahye. Tiquina sa yeri buhiri Cohācjū tiquinare ʌjūa peho cāhye. Tiquinare ʌjūano Cohācjū ijipiltiyequina tiqiore yūhdūdūcariquinare tiqiore buhiri dahreatire masare ihñono niahye. Tiquinare tiqiore buhiri dahrerer peca ne yatisi.

⁸Tiquina Cohācjū buhiri dahrenohriquina mūna yero saha vojopu gūhūre sata yeducure ni mehoñene buheyequina. Tiquina quehēñequina yero saha ijiye, tiquina paguri mehna ñano yere. Sa yeye Cohācjū dutiyere cahmedare tiquina. Sa ye tiquina yūhdūoro tutuayequinare tiquina pehe ñano yahuducu cohtere.

⁹Quehnoañequina angele pehe tutuayequina ijiepetā sa ni yahuducuerare. Miguel wame tiriqiore angele pūhtoro pehe Moise pagure cahmeno, watīno mehna cahme sehña soahye. Tutua yūhdūariqiore ijieperota tiqiore “Watīno yūhdūoro yūhū pūrita tutuaja”, ni tuhotuerahye. Sa yero tiqiore esa tuharo watīnore ñano yahuducuera, tiqiore tuhtierahye. Sa yero ohō saha niahye watīnore. “Cohācjūpū mūhūre tuhtiahro”, niahye Miguel watīnore. ¹⁰Sa ye ahriquina ni mehoñequina pehe tiquina masieñequina ñano yahuducu cohtere. Sa ye wahiquina tuho masieñequina tiquina esa tuharo tiquina yero saha ni mehoñequina pehe yere. Sa yeyequina ijiye, pecapū wahaeta.

¹¹Tiquinata ñano yūhdūeta. Caī yeriro saha ñano yeri tiquina. Sa ye Balāa tiqiore yeriro saha tiquina niñerure cahī wapata duaye, ni mehoñene buhere. Sa ye niñeru neati dihitare tuhotu, ti dihitare yere. Sa ye Coré tiqiore pūhtoro cohā duariro saha tiquina gūhū tiqiore yero saha yere. Sa ye tiqiore yero saha tiquina gūhū pecapū wahaeta. ¹²Tiquina ni mehoñequina pehe mūsa cahme cahīati bōse decorire ihyaye, ño peoro marieno tiquina cahmeno saha apere. Sa ye tiquina sehsarota ihyayere bore apequinare ohoro marieno. Wete yero saha tiquina mūsa bōse decorire quehnoañe decori ijiborirore dojomehne cohtere.

Ehmeo cururi acoro marieñe cururi ti dūhseati ijieraro saha tiquina ni mehoñequina ne dūhseatiquina ijierare. Sa ye ehmeo cururi wihnono wēdoqueoye cururi ti sa comesaducuro saha tiquina ni mehoñequina gūhū ihcāno saha yahuducueraye, sa comesaducure.

Sa ye, dūca tiri pje ijigū dūca marieñe cju yero saha ijire tiquina. Ti cju pūa tahapū yariaa wahare. Ihcā taha dūca tieye cju, yariaye cju yero saha waha tuhasare. Ti cjure tiquina duhari bato pari turi yariaa wahare tja. Ti cju yero saha ijiye dūhseatiquina ijierare tiquina ni mehoñequina.

¹³Sa ye pajiri ma cjē pahcōri būjūye pahcōri yero saha ijire tiquina. Ti pahcōri quē ohōgū, wete būjūye sahpori wahare. Dūhse ijiyere tiquina ni mehoñequina tiquina yegū pahcōri cjē sahpori wete būjūye sahpori ti waharo saha ni mehoñequina tiquina ñano yeye ijire.

Sa ye asi maa cāe paca ñahpicoha paca yero saha ijire tiquina. Sa yeye ñahpicoha paca nahitianopū ti waharo saha tiquina gūhū ñanopū wahaeta. Sa ye topūre sa ijiducueta tiquina ni mehoñequina.

14-15 Enoco panopu cjuño Adán panamino iji turiariquiro seis cururi bato masa bajuariquiro ohõ saha niahye. Tiquinare ni mehoñequinare ohõ saha niahye: “Tuhoya yuhure. Cohãcjũ peyequina tiquiro yequina angele quehnoañequina mehna ijipihtiyequina ñañequinare tiquina ñañe buhiri buhiri dahrero ahtarota. Sa yero ijipihtiyequina Cohãcjũre ihña tuhtiyequinare tiquina ñañe yeri buhiri tiquinare buhiri dahre dutiro ahtarota Cohãcjũ. Sa yero Cohãcjũre ñano tiquina yahuducuri buhiri gũhure tiquinare buhiri dahre dutiro ahtarota”, niahye Enoco. 16 Tiquina ni mehoñequina unureducuyequina, apequinare yahu wajayequina tiquina ñano wacũñe dihitarre yere tiquina. Sa ye “Apequinare masi yuhducaja usã”, niducure tiquina. Sa ye tiquina cahmeno saha ye duaye, apee borore ehma duaye, tuhoro quehnoanoputa yahuducure masare.

Jesu yequinare yahu nemoahye Juda

17 Mari puhtoro Jesucristo buhe duti tiquiro cūriquina tiquina buherire wacũña m̄sa, yuhũ cahña. 18 Ohõ saha nidi tiquina m̄sare. “Ahri yehpa pihtiato panogã Cohãcjũre ñano yahuducu bujupyequina ijieta. Sa ye tiquina Cohãcjũre cahmedaye, ñañene tiquina tutuaro cahmeñene yeeta tiquina”, ni yahuri Jesu cūriquina m̄sare. 19 Jesu yequinare tiquina basi tiquina cahme ihña tuhtigũ yere tiquina ni mehoñequina pehe. Sa ye tiquina ñañequina ahri yehpa cjēna ijiye, Espiritu Santore ne cuerare tiquina. Sa ye tiquina ñañene tutuaro cahmeñe dihitarre yere tiquina.

20 M̄sa pehe yuhũ cahña, Jesucristo ye buheyere quehnoano tuhõ nemoña, quehnoano wacũ tutuana m̄sa ijiro quehnoano. Ti buheye pehe quehnoa yuhduare. Espiritu Santo yedohoye mehna Cohãcjũ mehna yahuducuya m̄sa. 21 Quehnoañene yeya m̄sa Cohãcjũ m̄sare tiquiro cahñene m̄sa masino quehnoano. Sa yena Jesucristo mehna m̄sa sa ijuducuatire cohteya. Tiquiro marine paja ihñano uhmusepu sa ijuducugũ yerota.

22 Cristo yere tuhõ duera cjuñequinare paja ihñaña. Sa yena tiquinare buhe, masigũ yeya. 23 Tiquinare pecapu wahaboriquinare Cohãcjũre yuhduogũ yeya m̄sa. Sa yena apequinare paja ihñaña m̄sa. Tiquinare yedohona m̄sa gũhũ tiquina ñañe yeyere ihña cuedacãhña. Wete tiri suhtirore m̄sa yabiro saha, apequina tiquina ñañe yeyere yabiya, “Tiquina ñañe yeyere pihari”, nina.

Juda Cohãcjũre tiquiro ño peoye ijire

24-25 Cohãcjũ mari puhtoro marine ihña ihbo masine “Ñañene yeari”, nino. Sa yero tiquiro marine ñañe buhiri marienare uhmusepu tiquiro cahapu cū masine. Sa marine topu tiquiro cūgũ mari bucuenata. Tiquiro Cohãcjũ ihcãquirola ijire. Apequiro mariedare. Sa yero marine pecapu wahaborinare yuhduoriquiro ijire tiquiro. Tiquiro pehe panopu, yojopure, ijipihtiyē decori gũhure quehnoa yuhduariquiro, mari puhtoro, tutua yuhduariquiro, ijipihtiyequinare dutiriquiro ijire. Tiquiro sa ijiigũ mari puhtoro Jesucristo yedohoro mehna tiquirore ño peouhna. Sata yeihna.